


國家圖書館 NATIONAL CENTRAL LIBRARY, TAIWAN, R.O.C.



三朝野

乘

璜川吳氏
秘錄



三朝野乘總目

唐

姚汝能安祿山事蹟三卷

宋

南燼紀聞錄一卷

宋辛棄竊憤錄一卷

竊憤續錄全卷

楊堯弼偽齊錄二卷

明



史閣部像卷一冊 原缺

夏允彝幸存錄二卷

青燐屑二卷

顧炎武聖安本紀六卷 原缺

三朝野乘總目終

國家圖書館, NATIONAL CENTRAL LIBRARY, TAIWAN, R.O.C.

璜山
氏敬
同書

安祿山事迹卷上

華陰縣尉姚汝能纂

安祿山營州雜種胡也。小名軋犂山。母阿德氏為突

厥巫無子。禱軋犂山神應而生焉。是夜赤光旁照。群


獸四鳴。望氣者見妖星芒熾。落其穹廬。時張安公使人搜其廬不

獲長幼並殺之。祿山為人藏匿得免。恠兆奇異。不可悉數。其母以為神。

遂命名軋犂山焉。突厥呼戰鬪。神為軋犂山少孤。隨母在突厥中。

母後嫁胡將軍安波注兄延偃。史思明令偽史官稷一謾祿山墓志云祖

諱逸偃與此不同。開元初延偃族落破胡將軍安道買男孝



節并波注男思順文貞俱逃出突厥中道賈次男貞

節為嵐山別駕祿山十餘歲貞節以為兄孝節相携

而至遂與祿山及思順並為兄弟乃冒姓安氏

按郭汾陽

諸雪安思順表云本名祿山焉而奸賊殘忍多智計姓康亦不具本末

善揣人情解九番語為諸番市牙郎張守珪為范陽

節度使祿山盜年茲發追捕至欲棒殺之祿山大呼

曰大夫不欲滅奚契丹兩番部而殺壯士守珪奇其

言貌迺釋之畱軍前驅使遂與史思明同為捉生將

祿山素習山川井泉嘗以麾下三五騎生擒契丹殺

十人守珪轉奇之每益以兵擒賊必倍後為守珪偏

將所向無不摧靡守珪遂養為子以軍功加員外左

騎衛將軍充衙前討擊使開元二十一年守珪令祿

山奏事中書令張九齡見之謂侍中裴光庭曰亂幽

州者必此胡也二十四年祿山為平盧將軍討契丹

失利守珪奏請斬之九齡批曰稔苴出軍必誅苴賈

孫武行令亦斬宮嬪守珪軍令若行祿山不互免死

玄宗惜其勇但令免官白衣展効九齡又奏請誅之

玄宗曰卿豈臣王夷甫識石勒便臆斷祿山難制耶

竟不誅之

玄宗至蜀追恨不從九齡之言遣中使至

年十一月五日德宗以九齡先親未崩追贈司徒二十八年為平盧軍兵馬

使二十九年三月九日加特進幽州節度使時御使

中丞張利貞為河北採訪使至平盧祿山諂佞善伺

人情曲事利貞復以金帛遺其左右利貞歸朝盛稱

祿山之策遂授營州都督充平盧軍節度使知左廂

兵馬使度支營田水利陸運使副押兩番渤海黑水

四府經畧順化州刺史王仁經授以為遺畧玄宗使

親信之天寶元年正月六日分平盧別為節度以祿

山為左羽林大將軍員外置同正員兼柳城郡太守

持節充平盧軍節度使支營田陸運兩番渤海黑水

等四府經畧處置平盧軍攝御史大夫管內採訪處

置等使二載入朝奏對稱旨因是玄宗重賞之加驃

騎大將軍三載三月授范陽長史充范陽節度河北

採訪使平盧節度餘如故是月祿山出鎮勅中書門

下三品已下正員外郎長官諸司侍郎御史中丞于

鴻臚亭子祖餞

是時祿山奏云去年七月部内生紫

方蟲食禾苗臣焚香告天曰臣若不行正道事主不忠食臣心若不欺正道事主竭誠其

蟲請便消化啟告必應是時有羣鳥食其蟲其鳥赤

頭而青色伏請宣付史館又其時選人張奭者御史中丞倚之子也不辨菽麥假手為叛中甲科時有下第者為蒯令以事白祿山祿山恩寵漸盛得見無時具奏之玄宗乃大集登科人御華萼樓親試升第者一二與手提紙竟曰不下一字時謂之曳白玄宗大怒出吏部侍郎宋暹為武部太守倚睢陽太守勅庭關之間不能訓子選調之際四載奚契丹各殺公主仍以託人士子首為戲笑焉

舉部落以叛祿山方邀兩番肆其侵掠奚等始貳于我祿山又奏臣昨討契丹軍次北郡夢見先朝名將李勣李靖於臣求食迺令立廟兼伸禱祈薦奠之日神空梁樹生芝草一本十莖狀如珊瑚盤重疊臣當重寄誓殄東夷人神協從震芝瑞應伏請宣付史館以彰幽贊之功從之祿山恃恩寵縱虛妄以取媚于玄宗皆此之類也

五載禮部尚書席建侯為河北黠陟使表薦祿山公直無私嚴正

奉法利貞推美于前六載正月二十四日加兼御史

大夫右相李林甫素與祿山交通復屢言于玄宗由

是特加寵遇玄宗初即位郭元振薛翊張嘉貞張說

李林甫既陷暹之遂反其制始請以番人為將以固

其權嘗奏于玄宗曰以陛下之雄才國家富強而番

之未滅者由文吏為將而怯懦不勝武也陛下必欲

滅四夷威海內即莫若武臣武臣莫若番將生時氣

雄小養馬上長習陳敵此天性也陛下撫而將之使

其必死則夷狄不足圖也玄宗大悅首用祿山即為

我首林甫之罪也初王鉞承恩惡于林甫而林甫敬

畏其威事之彌謹祿山恃恩嘗見林甫白事怠而不

恭林甫欲示以威伴語他事命左右曰王大夫鉞至

即鞠躬如也祿山不覺自失鉞語愈怠而祿山愈恭

自此還通相推林甫危言肅宗矣祿山私作難約令

其子引兵來援天寶十載林甫死後楊國忠納祿山

遣嚴莊領阿布私下降兵三十三人告林甫與阿布
思潛通結為父子至十二載詔奪林甫官爵令凡庶
殯掩連連累之者五六十人者玄宗春秋漸高託祿
迹其行事不得不耳

山心膺之任祿山每探其旨常因內宴承歡奏云臣
番戎賤臣受人主寵榮過甚臣無異材為陛下用願
臣此身為陛下死玄宗不對私甚憐之因命皇太子
見之祿山見太子不拜左右曰何為不拜祿山曰臣
番人不識朝儀不知太子是侍官玄宗曰是儲君朕
百歲後傳位於太子祿山曰臣愚比者只知陛下不
知太子臣今當萬死左右令拜祿山迴拜玄宗尤嘉

其純誠時貴妃太真寵冠六宮祿山遂請為養兒每
對見先拜太真玄宗問之奏曰番人先母後父耳玄
宗大悅祿山恩寵寢深上前應對雜以諧謔而貴妃
常在座詔楊氏三夫人約為兄弟由是祿山心動及
兵聞馬嵬之事不覺殺嘆雖林甫養育
之國忠激怒之然其他賜亦可知也六載加御史

大夫封西妻康氏段氏並為國夫人祿山嘗令麾下
將苗賂谷在京伺察朝廷旨意動靜皆竝代為牋表
便隨所要而通之御史中丞楊國忠中外敬憚每祿
山登降扶翼之右丞相李林甫專宰相柄威權莫二

見祿山于政事堂引坐與語時屬冬寒脫已披袍履
 之其為承恩見重也如此晚年益肥腹垂過膝自秤
 得三百五十觔每朝見玄宗戲之曰朕遣見卿腹幾
 垂至地祿山每行以肩膊左右擡挽其身方能移步
 玄宗每令佞胡旋舞其疾如風嘗夜宴祿山祿山醉
 卧化為一黑猪而龍首左右遽言之玄宗曰猪龍也
 無能為者祿山乘驛馬詣闕每驛中間築臺以換馬
 謂之大夫換馬臺不然馬輒死驛家市祿山所乘馬以五石
 土袋試之能馱者乃高價市焉餼飼以候祿山鞍前

更連置一小鞞呂承其腹祿山肉疾轉甚富貴已極
 每朝嘗經龍尾道未嘗不南北睥睨久而方進即亮
 逆之萌常在心矣祿山舊宅在道政坊玄宗以其隘
 陋更于親仁坊選寬曠之地出御庫錢更造宅焉親
 仁坊東南隅也元觀即其地也勅所司究極華麗不限財物堂隍院
 宇重複穹窿匝詰曲窓牖綺踈高臺曲池宛若天
 造幃帳幔幕充牣其中六載祿山獻俘入京方命入
 八角花鳥葉屏帳一具此新宅玄宗賜銀平脫破方
 鑿鏤銀鏤二具色絲緇一百副夾頡羅頂額織成錦
 簾二領各紫絳簾羅金銅鈎分錯色絲緇貼白檀香
 林兩張各長一丈闊六尺并水葱夾貼綠錦綠白平

細背席二領繡茸毛璣合銀平脫帳一具方一丈三尺金銅鏡具綉綾夾頡帶碧綾峻旗色緇絲百副貼文牙床二張各長一丈闊五尺水葱夾貼席錦紅緣白平細背紅異文綉方綉縹紫細綉床帳兼黃金瑤光等並全西內帳設續賜青羅金鸞緋花鳥子女立馬雞祀袴等屏風六合紅瑞錦縹四領二色綾褥八領瑞錦席二領龍鬚夾貼席一張綉艸敦子三十箇十四張白檀香木細繩床一張綉艸敦子三十箇至于厨廐之內亦以金銀飾其器又賜金平脫五斗金銀具食藏二零碎之物不可勝算歎矣 雖宮中服御殆不及也玄宗嘗御勤政樓于御座東間為設一大金鷄帳前置一榻坐之卷去其簾以示榮寵每於樓下宴會百寮在座祿山或撥去御簾而出肅宗

自古正殿無人臣坐之禮陛下寵之太甚必將驕也上呼太子前曰此胡骨狀怪異欲以此厭勝之耳

七載六月賜寶封三百戶并賜錢券封柳城郡開國公詔曰用奇才者必拔于常倫立茂績者亦超于曩典驃騎大將軍兼羽林大將軍員外置同正負兼御史大夫范陽郡大都督府長史柳城郡太守持節范陽節度徑畧度支營田副大使知節度兼平盧節度使度支營田陸運押兩番渤海黑水四府徑畧處置及平盧河北轉運并管內採訪等使上柱國柳城縣開國伯安祿山河嶽誕寶雄武生材萬里長城鎮清

邊裔中權決勝暗合孫吳自授以元戎升之憲府一
心之節逾亮七擒之策益彰內實軍資豐財以潤國
外威戎落稽顙以輸誠加以忠竭私誠無隱疇之舊
典宜膺山河長平之封式崇井賦可柳城郡開國公
仍賜寔封三百戶并賜鐵券餘如故是月又加祿山
父贈使持節魏郡諸軍事魏郡太守延偃夙稱幹畧
素懷節義仁而有勇志已慕于韜鈴忠以立身名早
雄于沙漠克生令胤實負長才蘊登壇之良謀當弄
印之榮寄任鎮幽薊肅清醜虜舉無遺策動見竒功

自葉流根是光幹蓋之德飾終褒美爰申加等之贈
互膺寵秩用慰泉壤范陽大都督尋進封祿山為東
平郡王制曰寄重者位榮勲高者禮厚欽若古訓抑
為舊章開府儀同三司兼左羽林大將軍員外置同
正員御使大夫范陽大都督府長史柳城郡太守使
持節范陽節度經畧度支營田陸運押兩蕃渤海黑
水四府處置及平盧軍河北轉運并營田採訪使上
柱國柳城郡開國公安祿山性合韜鈴氣稟雄武敵
威振于絕漠捍禦比于長城戰必克平智能料敵所

以擢升臺憲仍杖旌麾既表勤王之誠屢伸殄寇之
 畧頃者契丹負德迺能運彼汲謀果臬渠師風塵欣
 靜邊朔底寧不示殊恩孰彰茂績疆場式遏且殊衛
 霍之功土宇斯開互踐韓彭之秩可封東平郡王仍
 賜寔封三百戶餘如故九載八月二日又加北道採
 訪處置等使命壽王瑁書告身并裝金平脫函瑞天
 長節祿山進山石功德及幡花香爐等命于大同殿
 安置朝夕禮謁焉復詔褒美兼賜祿山寶鈿鏡一色
等六令郭全羽送之又進玉石天尊一鋪請于道場
酬其忠孝之意也

所安置明皇命置于內暖殿天尊并侍坐真人玉女

及師子辟邪香爐玉案三十六事是秋祿山將入朝迺令于溫泉為

祿山造宅祿山將至之日宣賜什物米麴菜炭之屬萬計又賜永寧園充使

院今司天臺是其地也祿山將及戲水揚國忠兄弟號國姊妹

並至新豐以來命為飛蓋蔭野車騎雲屯所至之處

皆御賜膳水陸畢備至溫泉賜浴將士並賜食賜錢玄宗計

日幸望春宮以待十六日獻俘八千人于觀風樓下

賜莊宅各一所雜彩綾羅金銀器物及音聲口等龜

一部雞棲鼓指鼓晉將士亦各頒賜賜祿山金葉花

鼓笛簫箏篋等七人大銀胡餅四大

銀魁二并蓋金花大銀盤四雜色綾羅三千尺判中
 殿中侍御史楊玄章等三人緋衣各一對及絹綵等
 將士大將軍楊歸等一百又賜契丹生女口大
 九十三人衣各一副并絹綵等
 小五十人考課之日上考祿山又自獻金銀器物婢
 女及駝馬等金寶細胡瓶二銀平脫胡平床子二紅
 羅褥子一婢十人細馬十匹打球士生
 馬三十匹駱駝十頭骨鞍轡三十具并黃綾鞍袂三
 十條抄尾大馬纓十箇又進鹿尾醬鹿尾骨等物
 祿山同列皆尚食供饌其餘班賜品味脩極水陸玄
 宗每食一味稍珍美必令賜與貴中相望于道又嘗
 遺祿
 山酥真符寶輿并霍臺及音聲寶車牛士織蓋并小
 山花果藥雜樹小獅子白象各二魚藥食等一牙盤
 令內謁除大賓宣賜又賜永穆公主池亭以為遊宴
 祿山以為奇觀焉

之地祿山既移居親仁坊進表求降墨勅請宰相赴
 席宴會是日玄宗欲下楼打球遂停打球命宰相赴
 焉玄宗每于苑中放鷹鷂所獲鮮禽多走馬宣令賜
 嘗王鉷楊國忠選勝燕樂必賜梨園教坊音樂貴妃
 姊妹亦多在會中駕幸溫泉必令扈從賜馬賜衣香
 囊珍寶不知紀極祿山時染小疾王人御醫重疊複
 至煎和湯藥皆在禁中先許祿山于管内上谷郡起
 五鑪鑄錢時又進錢樣一千貫文名祿山男慶緒及
 女婿歸養王李獻誠祿山養兒王守忠安忠臣等赴

關到日竝賜衣服玉帶錦綵等仍令尚食供食其
 冬久無雪至十二月十四日廼雪祿山表賀焉玄宗
 批荅兼口號以賜之曰臘月忻三白嘉平按四隣預
 知天下稔先為物華春其見重如此十載正月一日
 是祿山生日先日賜諸器物衣太真亦厚加賞遺宗

賜金花大銀盆二金花銀雙絲瓶二金鍍銀盞二
 金平脫酒海一并益金平脫杓一小瑪瑙盤二金平
 脫大盞四次盞四金平脫大瑪瑙盤一玉帶一并
 金魚袋一及平脫匣一紫細綾衣十副內三副錦襖
 子并半臂每副四事鞍錦細綾一玉合子二玳瑁刮
 賞金平脫裝一具內漆半花鏡一玉合子二玳瑁刮
 舌篋耳篋各一銅鑷子各一犀角梳篋刷子一骨齒
 合子三金鍍銀合子二金平脫合子四碧羅帛子一

紅羅綉帛子二紫羅梳二種一金平脫鉄面梳一并
 平脫鎖子一紅羅綉帛子二銀紗羅一銀鉉梳一紫
 衣二副內一副錦其日又賜海陸諸物皆盛以金銀
 每衣計四事件

罷竝賜焉所賜祿山食物香藥皆以金銀器盛後三

日名祿山入內貴妃以綉袴子袴祿山令內人以綵
 輿舁之歡呼動地玄宗使人問之報云貴妃與祿山
 在三日洗兒了又袴祿山是以歡笑玄宗就觀之大
 悅因加賞賜貴妃洗兒金銀錢物極樂而罷自是宮
 中皆呼祿山為祿兒不禁其出入又為河東節度使
 二月二日遂加雲中太守兼充河東節度採訪使餘

如故

祿山奏請戶部侍郎吉溫知留後事大理寺直張通儒為留後判官雲中之事一委吉溫祿山

甚重祿山母祖母皆賜國夫人男慶緒慶恩慶和慶

餘慶則慶光慶喜慶宗慶祐慶慶等一十一男

皆是玄宗賜名慶宗為衛尉少卿慶緒為鴻臚少卿

兼廣陽郡太守慶宗加秘書少監又尚榮義郡主改

太僕卿祿山恃此日增驕恣嘗以曩時不拜肅宗之

嫌慮玄宗年高國中事變遂包藏禍心將生逆節迺

于范陽築雄武城外示禦寇內貯軍器養同羅及降

奚契丹曳落河蕃人謂健兒八千餘人為已子及家

僅校弓矢者百餘人以推恩信厚其所給皆感恩竭

誠一以當百又蓄單于護真大馬戰鬥者數萬餘已

牛羊五萬餘頭摠三道以節制天寶元年除平盧節度使三載兼范陽節

度使十載兼河東節度使刑賞在已於是張通儒李延望平冽李

史魚獨孤問俗等在幕下高尚掌書記嚴莊主簿書

安思忠李崱仁蔡希德牛庭向潤客崔乾祐尹子奇

何千年武令珣解元皓田乾真等為將帥潛于諸道

商胡興販每歲輸異方珍貨計百萬數每商至則

祿山胡服坐重床燒香列珍寶令百胡侍左右羣胡

羅拜于下邀福于天祿山盛陳牲牢諸巫擊鼓歌舞
至暮而散遂令群胡于諸道潛市羅帛及造緋紫袍
金銀魚袋腰帶等百萬計將為叛逆之資已八九年
矣又每歲獻俘虜牛羊駝馬不絕于路珍禽奇獸珠
寶異物貢無虛月所過郡縣疲于遮運人不聊生祿
山性殘忍多姦謀常誘熟番奚契丹因會酒中置毒
鴆殺之動數十人斬大首領函以獻捷是年秋祿山
大舉兵討契丹使人謂奚曰今契丹將盟我將討之
汝豈無助乎奚遂召驍騎二千從之祿山使為鄉道
行至獲真河誓衆曰兵法疾雷不及掩耳今以雨溼
去賊尚遠若倍道趨程賊必不虞我至破賊必矣遂
晝夜兼行三百餘里契丹不為備至大駭亂矣祿山
使人持一繩床盡縛契丹意欲生擒以歸是時屬雨
甚弓弩盡溼弛而不可張大將何思德請曰兵誌遠
來倍道疲頓用之力必不足不如少憩張其執必費
之不三日必降祿山大怒欲斬之以令三將請劾死
于先鋒思德形貌素類祿山契丹望見攢槍矢而取
之須臾支解骨肉立盡衆咸謂得殺祿山奚又背祿

山以附契丹併力夾攻殺傷畧相當矢中祿山鞍橋
 鞭弭俱棄箠纓亦墜獨以麾下二十匹騎走上山倉
 皇陷于坑中男慶緒麾下將孫孝招扶出之又戰數
 十里會夜追騎解遂投平盧城盧騎將史定方領精
 兵三千追契丹知救至遂解圍而去祿山方得脫十
 一載三月祿山領蕃奚步騎二十萬直入契丹以報
 去秋之後朔方節度副使奉法王阿布思率同羅數
 萬以會之布思與祿山不協遂擁眾歸漠北

初布思
白節度

使李暉請不行不受
使叔太倉庫而去祿山乃屯兵不進哥舒翰與祿

山竝來朝玄宗使內侍高力士及貴人迎于京城東

駙馬崔思常銜之使射管供解鹿取血煮其腸謂之
熱浴河以賜之為哥舒翰好之故

也翰母尉遲氏于閨女也祿山以思常銜之至是忽

謂翰曰我父是胡母是突厥女爾父是突厥母是胡

與公族類頗同何得不相親乎翰應之曰古人云野

狐向窟嗥拜以其忘本也敢不同心焉祿山以為譏

其胡也大怒罵翰曰突厥敢如此耶翰欲應之力士

目翰翰迺止初思順與翰分控河隴情甚不睦及翰
守潼關王天下兵權遂肆其志以報怨

誣布思與祿山潛通偽令人遺書于閨門擒之以獻
思順與弟太僕卿元真並伏誅天下冤之思順與祿

山少狎及思順入奏祿山必反亥十一月十七日祿宗以其先奏不坐至是乃誅之

山遣其男范陽節度副使鴻臚卿同正兼廣陽太守

慶緒奚契丹及同羅阿布思等阿布思者九姓首領也開元初為默啜所

破請降附天寶元年朝京師玄宗甚禮焉布思羨容

貌多才畧代為番首祿山恃布思不為之下祿山因

請為將共討契丹慮其見害乃率其部以叛後為回

鶻所破祿山誘其部落降之自是祿山精兵無敵于

天下其男女一萬口送于京師玄宗御勤政樓執敵

以丁壯一千逾于屬川餘並歸祿山布思敗後授于

葛邏祿葉護規毗思不敢受擒之送于北庭十三載

三月二十四日北庭都護程千里生擒樓下斬之省

衛文武百官往觀之具五刑而生口三千人金銀錦


見之前時所獻者益此部落也

蜀駝奚車布于闐下婦女皆衣以文錦飾以義須盛

陳列以為壯玄宗大悅授慶緒特進衛尉卿張樂以

會將士

安祿山事迹卷上 終



國家圖書館, NATIONAL CENTRAL LIBRARY, TAIWAN, R.O.C.

圖書分類

101

安祿山事迹卷中

華陰縣尉姚汝能纂

十三載正月四日祿山入覲于行在迺見于禁中賜

錦綵繒寶巨萬

時肅宗觀其亮逆之狀已露言於玄宗不納肅宗恐宗廟顛覆乃至

誠祈一夢是夜夢故內侍胡普昇等二人昇一紫鞍

栗黃帕自天而下至于肅宗前一素板丹書文字甚多所記者惟四句曰朕不云乎

其惟其時上天所命福祿不虧及見玄宗涕泣而言

曰臣本胡人陛下不次擢用累居節制恩出常人楊

國忠嫉妬歆謀害臣臣死無日矣

李林甫陰扶多智見祿山必揣知其情偽遂畏服之揚國忠性躁而祿山視之蔑如也至是國忠言其必反奏請追之祿山以玄宗不疑促駕

朝見以故玄宗益信祿山為忠不信國忠之言九日加祿山尚書左僕射賜

寔封通前一千戶與一子三品官一子五品官奴婢

十房莊宅各一所二十四日又加開廐苑內營田五

方隴右群牧都使度支營田等使以御史中丞吉溫

為之副溫加武部侍二十六日又加兼知惣監事祿

山奏前後破奚契丹部落及討招九姓十二姓等應

立功將士其跳蕩第一第二功竝請不拘村中書門

下批議其跳蕩功請超三資第一功請超二資第二

功請依資進功其告身仍望付本官為好書寫送付

赴臣軍前制曰可以是超授將軍者五百餘人中郎

將者三一作千餘人祿山歸范陽玄宗御望春亭送

別脫御服以賜之祿山受之驚懼不敢言自謂先兆

恐復畱之遂疾驅出關至淇門順流而下所至郡縣

令舡夫持牽版繩立于岸上以待至則牽之而行日

三四百里三月一日祿山將拜官也玄宗以宰相處

之命太常卿翰林學士張垆艸詔既而楊國忠諫曰

祿山不識文字命之為相恐四夷輕中國迺止將行

也玄宗命高力士送之于長樂坡力士歸玄宗謂曰

祿山喜乎對曰恨不得宰相頗快快楊國忠曰此張

洎也玄宗大怒黜張洎瀘郡司馬

初洎贊相禮儀雍容玄宗謂洎

曰希烈以卿代之洎曰不敢貴妃在

座遂告楊國忠 洎之因以為恨 祿山既至范陽

憂不自安始決計稱兵向闕自是或言祿山反者玄

宗縛送祿山以是相目無敢言者

奏還者告祿山反乃因于商州將送

之過祿山起

兵乃放之 十四載五月祿山遣副將何千年奏表

陳事請以番將三十人以待漢將遣中使袁思藝宣

付中書門下即日進來便寫誥付千年宰相楊國忠

常見素相謂曰流言祿山蓄不臣之心今又請番將

以待漢將其反明矣迺請見陳事既見未對玄宗先

告曰卿等疑祿山反耶國忠等遽走階下垂涕具陳

祿山反狀國忠以祿山表畱于上前而出俄又令袁

思藝宣旨此一度姑容之朕徐為圖身國忠等迺奉

詔及國忠見無不懇論其事國忠曰臣畫得一事可

鎮其難伏望以祿山帶左僕射平章事追赴朝廷以

賈循為范陽節度使呂貞誨為平盧節度使楊光翽

為河東節度使上許之草制未行

或云請不以番將代漢將論祿山反

狀及請追祿山赴闕並是帝見素之旨國忠會無預

或疑似身見素曰若公寔為此見社稷危矣將至上
前懇論其事見素約以事如未諧請公繼之國忠都
無一言俯俛而退見素却到中書嗚咽流涕此
非他也國忠要祿山速反以明己之先見耳上潛

遣中使輔璆琳送甘子于范陽私候其狀璆琳受賂

而還固稱無他其制遂寢初璆琳未還之時上引宰

相對常置白麻于座前及還上謂宰相曰祿山必無

二心其制朕已焚矣後祿山素詐稱破奚契丹所獲

駝馬牛不可勝紀國忠因令門客蹇昂何盈以求祿

山陰事圍捕命京兆尹李峴于其宅得李超安岱李

芳等皆令侍御史鄭昆之陰推劾潛緝殺于御史臺

又貶吉温為灋陽長史温天官侍郎吉頊之猶子也連按大獄倚法附邪以出入

人命者凡十餘年性巧詆惡而不忘失意者必引而

隔之其獄膠固雖王公大人立可親也初蕭晃為

河南尹以職下獄温課竟其罪晃為李林甫佐之由

是特恩轉太府卿温後為萬年縣丞未幾晃拜京兆

尹時高力士權移將相晃親輔之温尤與之善温揣

晃拜官必謝恩于力士婦則先造其門至則歡甚晃

繼至則聞其言笑之聲甚歡晃問關者曰吉七郎也

晃素懼執侯語畢通謁亦已久矣力士命引晃温伴

若恐懼將走力士遽曰吉七叅戶此故人也晃揖之

與之對座遂與之相結為膠漆矣乃引為曾官薦之

於林甫温之進也由力士中書舍人梁陟嘗逢温于
路低帽以避之温心銜之及柳勣之獄託勣引陟陟
竟以流死其陰賊也如此後與楊國忠善教其取恩
及國忠與祿山交惡而温厚于祿山祿山掌閑廐引
之副使內俟朝廷國忠遂忌之及其貶也玄宗命高
力士于朝堂宣慰百官曰吉温亮恐之人也自伯

父以來世為酷吏朕任人不明比刑濫悉温所為今為卿等除酷吏御其悅乎羣臣皆舞蹈拜謝無何安祿山上表以理且言國忠譏嫉之狀玄宗方寵于將相故兩存之初祿山握兵跋扈逆亂未發而以法制之國忠反激而怒之利其疾動以取信于玄宗十四載正月九日丁卯吉温又坐贓七千已及逼人士女為妾重貶端谿縣令尋杖死於獄中以激怒祿山幸其速反玄宗竟不

之悟慶宗尚榮義郡主供奉在京密報其父祿山聞之怒命嚴莊上表以自理具陳國忠罪狀二十餘事

玄宗惧其生變遂歸過于京兆尹李峴峴貶陵零太守以安

之六月明皇使黠陟使分行郡縣給事中裴士淹恐

惧不敢歸祿山乃見之祿山自歸范陽逆狀遂露惧朝廷誅之使者將至輒稱疾

不逆嚴介士于前後成倫而後見之士淹之至也亦如之令武士引入無凌人臣之禮士淹宣旨退之

七月祿山又請獻馬三千匹鞍轡百副每匹牽馬夫二人令番將二十二人部送載物長行車三百乘每

乘夫三人河南尹奚達珣奏祿山所進鞍馬不少又

自將兵來復與甲杖庫同行臣所未會伏望特勅祿

山所進馬官給人夫不煩本軍勞遠將健所進車馬

令待至冬即先後還遠計隳矣玄宗稍悟或云因此

琳非為託祭龍不虔也迺遣中使馮承威賫璽書召祿山曰與

卿修得一湯沐故令召卿至十月朕御于華清宮待

卿兼宣如奚達珣之策祿山聞命曰馬不進亦得十
 月灼然入京承威得命奏泣曰臣幾不得生還祿山
 聞臣宣先奏旨居床上不起但云聖人安穩遽令左
 右送臣于別館居數日然後得免難十一月九日祿
 山起兵反以同羅奚契丹室常曳落兼范陽平盧河
 東幽薊之眾號為父子軍馬步相兼十萬鼓行而西

以誅揚國忠為名十五日聞于行在玄寨台宰相等

獨祿山耳三軍左右皆不欲耳旬日必斬之來降不
如此陛下發兵討之伏大義誅暴逆可不血刃而定
矣大臣以下相顧失色

上竟不悟以至手敗唯與孔目官嚴莊掌書記高

尚嚴莊者本至太僕卿後勸祿山反與高尚全力贊
佐及祿山末年恐事生不測遂與左右李猪兒同

害祿山遂宣偽勅立安慶緒為皇太子慶緒兄弟事
莊每事必先問之後慶緒奔相州軍事感遂令妻薛

氏假稱永王第十一女詣懷鎮時避將李建將請婦
順及見元帥代宗及汾陽告之遂云是嚴莊妻薛氏

恐在道由滯不達故假稱永王女今嚴莊已背慶緒
見在獲嘉若許婦役請給錢券在軍前如可招者填

名以付之與汾陽議曰若嚴莊招到則餘黨可招
時許奏聞必大用便將錢券無賜衣差官領妻薛氏

招莊仍差衙前衛羽奉狀奏聞便令莊及妻乘傳詣
關到京之明日除司農卿高尚幽州雍奴人也本名

不危多才學常嘆息謂南商周鏡曰不危寧當舉事
不終而終不守以求活州里之間甚得文章之名後

改名尚天寶初李齊文為新平太守舉尚高顯不仕
送錢三萬并寓書于中官將軍吳懷寶以託之其年

策試第四等授右領將軍倉曹後懷寶引見高力士
置之門下令子師之無何託祿山奏為平盧軍掌書

記祿山由是益親之遂與莊等共解圍識祿山疑懼
 勸其謀反累奏為屯田員外郎乃隨祿山陷東都偽
 授中書侍郎偽赦書制勅竝尚為之毀謗本朝所不
 忍聞及慶緒至相州嚴莊所掌機務竝尚代之仍拜
 侍中及史思明救相州而殺慶緒兄弟尚與孫孝哲
 同日遇害孝哲本契丹部也母美色為祿山所通因
 茲狎近身長七尺勇健多謀及事祿山出入卧內甚
 見親信祿山常因對見宮門侯玄宗之名衣紐無故
 斷落祿山驚怖不知所為孝哲懷內取針線為祿
 山綴之祿山轉憐之常侍祿山首先意曲言必嘉悅
 又善于女工裁縫之事祿山形大肚垂與眾稍異非
 孝哲裁縫不稱其身也天寶中官至大將軍祿山借
 逆為殿中監充閑廐使衣馬奢侈性殘賊中外畏之
 授西京監安守忠張通儒田虔真攻長安皆受制于
 孝哲殺王妃數十人楊國忠高力士之黨及素與祿
 山不協者必殺之以鐵棒搗腦蓋而死血流于地
 番將阿史那承慶慶緒全謀幕府寮屬偏裨更無一人

知其端倪者其年八月後慰諭兵士磨礪戈矛稍甚
 於常識者竊恠之至是祿山勒諸將出謂眾曰奉事
 官胡逸自京歸奉密旨遣祿山將隨手兵入朝來以
 平禍亂耳諸公勿怪兼云莫令那人知翌日至城北
 辭其祖考投墓遂發以節度使賈循為首後薊縣耆
 壽李克諫祿山曰舉兵無名必敗祿山時收人望使
 嚴莊報之曰苟利國家專之可也利主寧邦正在今
 日何憚之乎百姓等議曰百年老公未嘗見范陽兵
 馬向南者人人相與憂懼既出范陽遂為長勝以毀
國家兼妄云累奏不聽

先令將軍伊千年領壯士數十人詐稱獻捷以車千

乘包藏器械先侯于河陽橋以掌書記屯田負外郎

高尚孔目官太僕丞嚴莊專居左右以籌畫所至郡

縣無兵禦捍兵起之後列郡開甲杖庫器械皆朽壞

忘戰皆開門延敵長史走匿或彼擒殺或自縊于路

旁而降者不可勝計祿山專制河朔以來七年餘蓄

及匈奴其中契丹委任尤重一國之柄十得二三行

軍用兵皆在掌握番夷婦降者以恩煦之不服者以

勁兵討之生得者皆釋而待資錫以衣賞之妻妾前

後節度使招懷夷狄首重譯告諭夷夏之意因而傳

往往不祿山悉解九夷之語親自撫慰曲宣威惠

夷人朝為俘囚暮為戰士莫不樂輸死節而况幽薊

之士乎及狼顧負恩其所由来者漸矣九月九日甲午縛太原尹楊光

翻送之賊將高邈偽進射生手二十人光翻輕騎出

并東受降城奏祿山反玄宗猶疑以讐嫌毀諧尚不之信也移牒陳其罪狀末云光

翻今已就擒國忠豈能更久其日陰風悽慘觀者寒

心至鉅鹿郡欲宿祿山忽譙曰我名祿非所宜宿也

移營至沙河縣博陵太守張萬頃獻漢高祖不宿栢

人頌王子牒至云渡黃河河水見底冰結成橋祿山

草木于河中并以長索繫破丁卯陷震昌郡庚午陷

無大樹礙凌一宿而冰合陳留郡傅張介然荔菲守瑜等首至尋陷滎陽傅太

守崔無詖首至祿山是行也人以為敗不旋踵及頻

告捷人皆失望十二日封常清戰敗西走保陝州初

清自安西至上問東討方畧常清大言上悅遂除范陽節度使于東都召募皆市人而賊師至一戰塗地

勅削常清官秩令隨高仙芝効力十三日陷洛陽傳畱守李愷御史

中丞盧奕首至平原太守顏真卿由其首顏杲卿又

召常山婦順聚徒兵攻殺賊將李欽湊于土門以應郭子儀燕南豪傑殺賊以婦順者凡七

郡并縛賊副使何千年高邈送詣行在杲卿本以才幹祿山奏為

常山太守及杲卿為長史素履諫前真定令賈深內丘丞張通幽密謀背之時賊將李婦仁令弟欽湊領

步騎五千鎮土門而守常山杲卿遂謀召欽湊赴郡會議因殺之以併其眾會賊將高邈何千年俱自東

至杲卿設策遣藁城尉崔安石縣吏翟方德伏兵于驛生擒千年及邈至是杲卿乃使男泉明與賈深張

通幽執邈于京師焉是月我以京兆尹牧榮王琬為

行宮元帥以河南隴右節度使西平王哥舒翰為副

元帥領河隴諸蕃部落奴刺胡跌朱耶契苾渾蹕林

奚結沙陀蓬子處密吐谷渾思結等二十三部落督

番漢兵二十一萬八千人鎮于潼關時朝廷空虛失藩籬之固懼其

乘執侵軼會祿山方圖僭號遂得徵兵以脩之諸道軍士稍稍而至矣是時河北十五

郡皆殺賊官吏以婦順京城誅宗道清河誅崔文廣平誅郭自卯常山擒何千年

高邈博陵誅誠河間誅杜睦一時皆召其地婦順矣河北驛路再絕河南諸

郡防禦固備哥舒翰擁兵守潼關又令王思禮至陝州見賊將偽御史中丞無敵將軍平西大使崔乾祐說以禰福祿山始惧責高尚及嚴莊曰汝等令我舉事皆云必成四邊兵馬若是必成何在汝等陷我不見汝等矣遂誡門下逐之數日祿山憂惧不知所為而怒不解及田乾真自關至從容為尚等言于祿山撥亂之主經營創業草昧之際靡不艱難漢祖狼狽於滎陽曹公傾覆于赤壁未嘗一舉而成大事者今四面兵馬雖多皆新召募烏合之衆未經行陣堡壘非勁銳之卒不為我敵縱大事不成猶可效袁本初以數萬之衆擁守河北之地亦足過十年五歲身莊尚皆佐命元勳何可以遽絕之使諸將聞之心不動搃乎祿山喜曰阿浩之言是也阿浩乾真小字也吾已絕之奈何乾真曰但喚取慰勞之其心必安因召尚等飲燕酣樂祿山自唱傾杯樂與尚送酒待之如初祿山雖盜據河朔百姓怨其殘暴所在叛去累其兵力不能進尺寸之地乃遣其黨史思明蔡希德以平盧步騎五千攻常山顏杲卿力屈而城陷

初杲卿使男杲明及張通幽賈

深獻捷且求救于太原王承業通幽獻計于承業亦

心害其功逼苗其子久而方遣仍以所得賊將以為

已功是以承業等是以承業
等驟加官爵故果卿屈焉 思明執果卿及袁履謙

送于祿山怒縛于洛陽橋柱果卿詬罵之殺至死不

絕履謙性剛狷詬賊尤甚賊怒之先截其舌履謙以

血噴賊面遂斷割之路人皆不忍視常山既陷鄴郡

廣平鉅鹿上谷博陵文安魏郡信都等十一郡復為

賊守十五年六月八日郭子儀李光弼二軍東出敗走思明之眾于嘉山思明跣足露髮奔于博陵

歸順者十三郡思明懼焉潼關失

守二將帥燕趙之間賊復屠之

安祿山事迹卷中終



國家圖書館, NATIONAL CENTRAL LIBRARY

安祿山事迹卷下

華陰縣尉姚汝能纂

十五載正月乙卯朔祿山遣東京耆老緇黃勸進遂

偽即帝位國號大燕自稱曰聖武皇帝祿山起逆之初童謡云燕

燕飛上天天上女兒鋪白氈氈上一貫錢燕者祿山

國號重言燕者史思明亦稱天子天上女安字也鋪

白氈者祿山入洛陽之日大雪盈尺氈上一貫錢者

言祿山只得一千日祿山云纒入洛陽瑞雪盈尺靈

言上祿山詩曰象日雲雷屯大君改元曰聖武元年

置丞相以下官封其子慶緒為王以達奚珣為侍中

張通儒為尚書初汾陽收東都後差人送朝士陳希烈等三百五十餘人赴京兼奏表請

從寬恕以招來者三表上皇以朝官不扈從其恨頗
滋遂下勅云初陷寇逆忽被脅從受任數年得非同
惡戴天履地為爾之羞互付三司詳理處分後三司
識刑奏曰達奚珣珣子擊薛曉帝恒韓澄并大通舟
大華劉子英罪當大辟陳希烈張均門用之郭納許
彥蒿竝賜自盡許子房宇文誼盧自勵于蕭克濟
陳柳芳李彥光何昌裔郝處俊顧爾等流于徼外
勿齒帝曰珣擊父子同刑人所不忍降之擊一等囚
於所司太師房瑄曰張均欲往賊所望五陵涕泣而
不忍去也遂亦減死一等流于涇州發韓公張仁贇
之墓戮其屍以張通儒故也張萬頃獨孤問俗張休
並復舊官祿山令問俗壞太廟問俗遷延終以獲全
令萬頃捕殺皇支萬頃多所脫免休殺其餘文武悉
回諫祿山此二三人者皆祿山賓佐

備署之以范陽為東都復其百姓終身署其城東

南隅私第為潛龍宮其第本造為同羅館前後十餘院門觀宏壯開闢幽深土木之

之奇瑰究聖之雕飾僭擬宮室祿山表以一千萬買之奏勅賜之至是號焉偽節度由後

賈循右虞侯程超謀以范陽歸順為祿山偽度支副

向潤客所覺潛令送赦書使韓朝陽告之庚寅朝陽

自雒陽致祿山意旨將畢命入別館循不虞陽之害

已與朝陽欵曲行禮朝陽引之密語抽佩刀斬之遂

宣偽詔數循罪逆并斬程超竝傳首東郡戮及妻子

以平盧偽持節呂知誨為留後亦為本軍所殺又加

潤客右散騎常侍代之殺皇支范陽府掾李戒等四

人沒其妻子五月奚契丹兩番殺出北山口至于范

陽俘劫牛馬子女止城下累日城中唯留後羸兵數千不敵潤容等計無所出遂以樂人戴竿走索者為趨提可用授兵出戰至城北清河水大敗為奚錫所

戮唯存殺人伏州莽間獲免其樂人本玄宗所賜皆非人間之使轉相教習

得五百餘人或一人肩符戴首二十四人戴竿長百餘尺至于竿杪人騰擲如猿猴飛鳥之勢竟為奇絕

累日不憚見者汗流日眩于是此輩藏矣虜未至前月餘日童謡云舊來誇戴竿今日不堪看但看五日

聞莫悟至是而應之六月八日乙酉哥舒翰出兵潼

關為祿山將崔乾祐所敗十四辛卯潼關失守初翰守潼

關或勸翰曰祿山阻兵以誅國忠為名公若留二萬人守潼關悉以餘兵誅國忠此漢誅晁錯挫七國之

計也公以為何如初翰許之未發或泄其言于國忠國忠大懼乃奏曰兵法安不忘危今潼關兵眾雖多

而無後殿萬一不利京師得無恐乎請選監奴小兒三千訓練于苑中從之遂遣劍南軍將李福德劉光

庭分部為翰慮為所圖迺上表請乾運兵隸于潼關迺台乾運赴潼關計事因斬之國忠語其子暄曰吾

死無日矣翰自是心不自安又謂諸將以潼關三百餘里利在守不利出攻楊國忠以翰持兵未決慮不

利于已歎其速戰教奏促之賊將崔乾祐叩關教請戰國忠與翰既不協因言翰逗留不進玄宗教使進

兵出關翰遂領馬步十五萬與賊將崔乾祐會初翰造檀車以檀蒙其車以馬駕之畫以龍虎之狀五色

相宣復以金銀飾其畫戰之日及牙將克戰馬因驚駭從而攢戈矢逐之賊知其計積薪芻于隘路候檀

車至順風縱火焚蘄走奔駭燒檀車及薪芻煙燭昏黑兩軍不相辨我軍謂賊在煙燭之中遂集弓弩併射之賊軍抽退日旣方覺無賊吾眾從關中六七

十里路狹北拒黃河南是石岸排蹴前進不得賊抽

軍從南山設疑曳柴揚塵以同羅習險之騎直透黃
 河橫截吾軍敗績沉河而死者十有二三翰在北高
 阜上觀軍陣進退之勢于時般糧船在河北岸左右
 言取舡渡兵遂將舡百餘隻到河南岸爭渡者不可
 勝紀每滿即沉如是沉者數十渡餘軍散走入南關
 先時于關門旁穿二道壘濶二丈餘及師敗之際前
 後奔競人馬相籍入坑湏臾壘滿白旗引左右馳突
 往來我軍視之狀若神鬼又見黃旗軍數百隊官軍
 潛謂是賊不敢逼之湏臾又見與乾祐鬪黃旗不勝
 退而又戰者不一俄然不知所在後昭陵奏是日靈
 宮人石馬汗流又云其日翰靈官縣西洪溜濶與乾
 祐相逼翰兵馬多乾祐不過萬人為撒星陣十五為
 一旗或密或疎或前或却官軍見之皆大笑焉乾祐
 又以陌双五千人列于陣後令其軍曰進則十五有
 生退則死在旋踵故其兵一一自戰乾祐忽驚金鼓
 卷其狀似退官軍益怠忽馳而進執若雷震官軍失
 勢遂為所薄是日東風吼地飛沙漲天烟塵相合野
 中舊積諸草賊皆焚之烟燭徹天昏黑如夜旗號之

色人皆莫辨賊乘風便趨我初翰至潼關風疾頗甚
 軍烟塵之中拱手而皆受戮
 軍中之務不復躬親委政事行軍田良立其將王思
 禮李承光又爭長不叶全無關志及出師未陣而潰

為番麾下番將火拔歸仁執降于祿山軍敗後翰自首陽山西渡

入潼關津驛關門不守王思禮守合餘軍更欲戰歸
 仁語翰曰賊執逼相公且宜西行避之以圖去就翰
 上馬出驛歸仁率諸將叩馬請降祿山後畫異圖事
 將未晚翰曰逆胡猖狂偶然一勝天下之兵計相續
 至羯胡之首期懸旦暮歸仁曰賊在咫尺更欲征兵
 則我之命已掛賊戈矣翰欲下馬遂以毛繩于馬腹
 上連縛其脚控轡出驛翰怒握鞭自箠其祿山曰汝
 喉又被奪却鞭擺馬就乾祐送于洛陽

常輕我今日伊如翰俯伏自稱肉眼豈知陛下遂至

此陛下為撥亂之主今天下未平李光弼在土門來
 瑱在河南魯炅在南陽但留臣臣以尺書招之不日
 平矣祿山大喜遂署翰為司空令書招光弼等諸將
 報書皆讓翰不死節祿山知事不遂閉翰于苑中而
 害之辛卯之夕平安火不至玄宗惧為十五日壬辰

聞于朝廷玄宗召百官問計國忠以為幸蜀便先是國忠

樂于蜀地為自全之計同天下之兵頗置腹心梁益
 間卒行其志或曰非國忠之計解之在後監察御史
 請出御庫金帛召募壯士率六軍一戰以拒之識者
 壯其志而又壯其謀初玄宗覽龜茲曲名部見北洛
 背伐浞惡之謂樂工李龜年曰何忽音樂為此不祥
 之名遂令請曲悉改名及聞祿山反龜年曰曲名先

兆果不虛矣開元天寶中人間多于宮中奏突厥
 神亦為祿山之應國初盛傳武媚娘曲而則天借竊

之事應之則先十六日癸卯則玄宗幸蜀鑿駕自迎

兆豈可測哉秋門出百

百官尚未知明日亦未有來朝者已有宮嬪亂出驢
 馬入殿輦運庫物上過渭橋後楊國忠令燒斷其路
 上知使高力士走馬至橋止之曰今百姓倉皇各求
 生路何得斷絕令力士撲滅了來上止望賢宮百官

告飢乃命殺馬折行宮木煮肉遺之入宮憇于樹下
 惘然有棄海內之志高力士覺之遂抱上足嗚咽上

曰朕之作后無負黎元今朝朔胡負恩宗廟失守竟
 無一人勤王者朕負宗社敢不自免惟爾知我更憂

何言即使中官入縣宣告咸陽官吏百姓更無一人
 至者午時上猶未食良以有村叟來獻蜜麩上對之

慘然既而尚食令人舁御膳至分散從官發至金城
 宿是夜王思禮自潼關至奏哥舒翰敗沒之狀十八
 日至馬嵬從官常見素及男諤揚國忠及男暄魏方
 進及男元向等六人入驛起居纏出有吐蕃二十餘

騎接國忠曰某等異域番人來遇國難亦示歸路國
 忠方與語眾軍傳命曰楊國忠與土番同反魏方進
 亦連一時帶甲圍驛國忠曰祿山已為梟獍逼迫君
 父汝等更相倣效耶眾軍曰爾是逆賊更道何人騎
 士張小敬先射國忠落馬便即梟首屠割其尸魏方
 進及兩男土番同時遇害見素為乳兵所傷腦血塗
 地曰莫損常相公父子乃得免上令壽王以藥封瘡
 兵猶圍驛不散皇名從官唯見素父子二人上策封瘡
 躡履自出驛門令各收軍軍人不應行在都虞侯陳
 玄禮領諸將三十餘人帶仗奏曰國忠父子既誅太
 真不合供奉上曰朕即當處置乃迴步入驛倚仗久
 之不進帝諤極言迴引步前行高力士乃請先入見
 太真具述事執太真曰今日之事寔所甘心容禮佛
 遂縊于佛堂昇致驛庭中令玄禮等觀之禮等免胄
 謝焉軍人迴悅然議蓋駕所詣上意欲幸蜀中官封
 常清以國忠父在劍南恐其中連謀生意不如幸太
 原百姓望幸多時地安可駐中官郭師太謀幸朔方
 彼番漢雜處父子成章自來各地忠孝中官駱休詳

請幸隴西曰姑藏一部曾王五原土厚地殷寔堪
 幸各陳所建都十餘輩上皆不可顧謂高力士曰卿
 意如何力士曰太原雖近地與賊連祿山人心難
 測朔方近塞全是番戎教之甚難不達人意西涼地
 遠沙塞蕭條大駕巡幸人馬不少既無備擬立見恻
 惶劍南雖小土富人強表裏山河內外險固以臣所
 見幸蜀為宜上然之即日幸蜀 十七日甲午陷西京
 皇子為百姓所留尋幸震武

初祿山不虞候玄宗南幸故進兵緩也于是祿山偽
 官屬等全擄府庫兵甲文物圖籍互春雲韶犀象

舞馬桓庭後宮皆沒焉 祿山以車輦樂器及歌舞衣
 服迫脅樂工牽制犀象驅掠

舞馬遣入洛陽復散于北向時之感掃地矣肅宗克
 復方散求于人間復歸于京師十得二三祿山至東
 都既為僭逆嘗令設樂祿山揣幽燕戎王番胡酋長
 多未之見乃誑曰自我得天下犀象自南海奔來見

我必拜舞禽鳥尚知天命所歸况于人乎則四海安得不從我于是令左右領象至則瞪目忿怒畧無舞者祿山大慚懷怒命置于穿井中以烈火燒使力憊俾壯士乘高而投之洞達胸腋流血數石舊人樂工見之無不掩泣祿山尤注意于樂工求訪頗切不旬日間獲梨園弟子數百人群賊皆相與大會于凝碧池宴偽官數十人陳御庫珍寶羅列前後樂既作梨園弟子皆不覺歎歎相視泣下羣賊露刃持滿以資之而悲不自勝樂工雷海清者投樂器于地西向慟哭賊乃縛海清于戲馬臺支解以示樂人聞之者無不傷痛時王維亦在賊中拘于菩提佛寺聞之賦詩曰萬戶傷心生野烟百官何日更朝天秋槐葉落空宮裏凝碧池頭奏管絃維開元初進士及第事母崔氏以孝聞累官給事中祿山陷長安維在賊中佯狂失音久之賊重其名追赴洛陽偽受給事中至德二年冬收東京三司類例入為太子中允時第縉為刑部侍郎太子中允抗表請以官爵贖兄之罪上元元年原其罪後為尚書右丞營別業于鞏川朝散之後

常獨坐焚香妻亡後三十餘年孤居一室便絕壘累及臨終之際縉在鳳翔作別縉書及平生故人勸以

修習捨祿山竊據河洛令張通儒守安守忠總兵以筆而絕

鎮西京于時二京全陷至德元載九月賊黨張孝哲害霍國長公子永王妃及駙

馬楊駙等八十人又害皇孫二十餘人並割其心以祭安慶宗慶宗以祿山起兵之年十一月二十七日

腰斬于長安并母康氏等五人榮義公主亦賜死焉自後安忍殺不附已者王侯將相扈從入蜀者子孫

兄弟雖在嬰兒之中皆不免于刑戮遂深居高拱殘虐自恣其大將等亦不可得而見之皆因嚴莊以白

事其酷如狼虎雖曰腹心齊為讐敵矣先是百姓因亂為盜忽入倉庫祿山既收西京怒之大索長安三

日而後止雖私財必皆取之又令府縣推按連引支證日以勾錄徵剝搜捕為事雖刀之末無不徵之百姓騷然所在叛矣間諜日至士庶潛議亡歸知肅宗

至靈武皆企官軍相傳曰皇太子從西來也人皆奔

走市肆為空如是者百餘日京畿豪傑沒賊官吏婦
者相繼不繼誅而復起絕莫能制其初自京畿廊坊
至于岐隴悉附之至是城西之外為勁敵其將皆勇
而無謀日縱酒高會唯聲色財貨是嗜不復萌西進
之心故肅宗得乘其弊蓋天所命也兗威所至無不蕩滅衣冠士庶歸

順於靈武郡者繼于道路家口亦多避地於江淮天寶

初貴游士庶好衣胡服為豹皮帽婦人則簪步搖
釵衣之制度矜袖窄小識者竊怪之知其戎矣其

陷賊州郡賊軍所至則為賊守師纔去則相與殺賊

歸國反覆十數度至于城邑為墟而人心不改及聞

肅宗治兵于靈武人心益堅矣祿山先患眼疾日加

昏昧殆不見物又性轉嚴酷事不如意即加箠撻左

右給侍微過便行斧鉞特寵段氏常欲以段氏所生

慶恩係長子慶緒為嗣慶緒每惧見廢嚴莊亦慮

祿山眼疾轉甚恐宮中事變之後將不利遂夜與慶

緒及祿山左右閹豎李猪兒等同謀莊謂慶緒曰殿

下聞大義滅親乎臣子之間事不得已而為者不可

失也慶緒小胡性又怯懦憂懼之際遂應之曰凡之

所為敢不從命又謂猪兒曰女事皇帝鞭笞寧可數

乎汝不行大事死無日矣二年正月五日遂相與謀

殺祿山嚴莊慶緒執兵立于帳外猪兒執大刀直入

嚴莊下

帳下以刀斬其腹左右惧不敢動祿山眼無所見牀頭常着佩刀始覺難作捫刀不得但以手撼帳竿大叫曰賊由嚴莊須臾腹已數斗血流出掘床下地以檀裹其尸埋之戒宮中勿令泄莊明日宣言于外稱祿山疾急偽詔立慶緒為皇太子軍國事大小並決于慶緒即偽位尊祿山為太上皇慶緒常兄事嚴莊每事必咨之

猪兒契丹之降口也年十歲餘事祿山頗謹官刑之時血流數斗殆死數日方蘇幼時祿山最信之祿山腹大每着衣服令三四人摩腹猪兒頭戴之始得繫衣帶明皇賜祿山華清宮浴猪兒得入宮與祿山解着衣裳然祿山性殘暴鞭撻猪兒最多遂有割腹之禍

祿山以天

寶十四載乙未十一月反至至德二載丁酉正月被

殺僭竊三年年五十五

至德二載八月二十五日賊將安守忠等于香積山寺汾

陽領軍從城南赴東都二十八日元帥代宗皇帝入城安撫百姓十月十六日又收東都安慶緒空東都

道于河朔十月二十三日大駕還京上皇發成都慶緒之奔也步軍不滿三千馬軍總三四百至新鄉知

嚴莊投國家諸將當時心動阿史那承慶部落及李立節安守忠李歸仁等散投恒趙范陽只有張通儒

崔乾祐等兩三人時來衙前參至衛州則無人輒見及至汾陽分散過半繼來去者亦止泊相遠慶緒知

人心移改不敢詢問至相州離散畧盡慶卒纒一千騎七十三百而已至滏陽縣界時河東節度使李光

弼屯卒一百萬軍馬三百滏陽慶緒處必死地謂諸弟曰一種是死不如刀頭取決遂與慶和等三人

領家僮數百設奇計大破官軍光弼大潰澤潞節度使王思禮營相去四五里知光弼敗一時分散慶緒

遂分八道曳露布稱破光弼思禮西軍板斫萬計營
 幕儼然天假使便無所欠少况鷲已走立功不難其
 先潰將士仰于相州屯集限此月二十六日前到取
 來月八日再收洛陽諸賊知東喪師逆心又回受其
 招誘以十月悉到相州慶緒改相州為安成府大赦
 境內改年曰天河委薛嵩訓練新舊以三萬餘軍馬
 六千已上旬日之中偽蔡德希以其眾自高平至田
 承嗣自潁川至武令珣自唐鄆至道達復及六萬明
 年十月十四日汾陽自上都赴軍領十六萬至衛州
 城下而慶緒以馬黃十萬來迎戰數合皆敗慶和恃
 以弓矢獨自出陣射軍官中箭奔鎗墜馬就擒慶緒
 大敗遇直走歸相州汾陽遂收諸道兵馬薛嵩訓練
 州西南三十里下營十一月五日慶緒以五萬眾列于
 愁思崗賊眾大敗殺傷二萬餘人遂至城下四面穿
 壕圖之慶緒以殘傷出戰戰多至推敗却入城守
 史思明為慶緒北鎮幽薊及慶緒京陝西敗洛陽
 奔北思明教烏承恩却背國家慶緒危亞頻使求
 求救思明乃引軍來援兗徒既出燕州乾元二年
 思明于魏州僭稱燕王年號順天

全軍屯于楚王橋使李歸仁以精兵一萬尋山向北
 汾陽以勅賜刀授懷軍平明引軍躡賊賊亦駐軍相
 持至暮三合歸仁大敗擒偽洛州節度使張令暉兵
 馬使范秀嚴血流積尸填溪溢谷歸仁乃歸滄陽招
 取敗卒思明聞之大惧汾陽以諸將欲殺思明議謀
 不同汾陽與李廣琛同謀引安陽河水浸城遂築堰
 開渠而浸城為城中無所出路餓死者眾思明遂引
 兵來助殺我防堰官健決我堤堰又破衛尉縣燒糧
 車五千乘驅却牛萬頭官健走脫者一半二月乙未
 慶緒城中易子而食屑朽木淘馬糞餉馬官軍以道
 路懸絕往來甚艱汾陽與光弼所謀不協遂列大陣
 于鄆縣絕南十里韓陵山東潼水上官軍初勝生擒
 傷甚眾思明于困敗之中忽生奇計官軍大敗日蕩
 風起塵埃晝昏城下諸軍望見迴車以為賊徒大至
 一時皆潰資糧器械並弃汾陽行二三里以待帥與
 諸將結四面陣當路而迴官軍四分損一思明引全
 軍赴相州慶緒使人三十里外將柘黃旗以逆思明
 申誠請冊思明曰不用衣服即當相見慶緒與第五人

渡安陽河十里以來遂見思明欲下馬思明止之迴
馬讓行慶緒從焉當時分配安置偽刑部尚書孫孝
哲侍中高尚兵部尚書崔乾祐大將以下九人並在
毬場祇候參賀思明既下馬慶緒兄弟廳前東西而
立數慶緒凡百言末云因何殺阿翁專職掌度慶緒
西面縊殺之諸第四人廷斬初慶緒未改時識云渡
河野狐尾獨速明年死在十八日又云胡絕其後死
在合河口至是而驗當時思明將士或謀殺思明而
附慶緒益懷祿山舊思事臨後慶緒降衆人皆恨之
慶緒官健六千餘人大半餓不行立並令安太清等
養育之數內三千三百人是隨從慶緒者亦殺
之食後方移入城自是祿山之種類殲矣

自至德二載殺祿山自立至乾元二年己亥為史思
明所殺其後併於思明思明復稱大燕以祿山為偽
燕令偽史官稷一撰祿山慶緒墓誌而祿山不得其

尸以妻康氏並招魂而葬所謂哀謚祿山曰光烈皇

帝降慶緒為進刺王其墓誌叙述兇逆語非典實所

紀云無可取故畧焉史思明營州雜種胡也本名宰

深目鳶肩性剛急與祿山同鄉生較祿山先一日思明

歲痘生祿山歲日生及長相親俱以騎勇聞解六番

語同為牙郎以欠官錢走入奚詐為漢使得免後誘

殺奚節度使張守珪以思明殺奚功奏授折衝與祿

山同為極生將去無不提累昨大將軍及祿山叛逆

遂為祿山攻劫郡縣所向無敵始自一卒至平州刺
史叔河朔戮力驟至崇秩畏威懷德雖死無二後慶
緒殺祿山而賜思明姓安氏改名榮國封媯川王思
明自己懷計矣而常懼賊將蔡希德無何朝議殺希
德而思明喜形于色尋以八百騎衆舉河北封歸義
王范陽節度使明年改乾元元年戊戌肅宗使烏承
恩為思明副思明殺之復反諸將圖慶緒于相州思

賜乃來援初懼我軍之救會蕭華以魏州來歸順詔
 河南節度使李光遠代蕭華思明承其祔到以手擊
 光遠光遠脫身南渡明年即元年巳亥正月一日也
 思明于魏州自立為燕王年號順天引兵救相州官
 軍敗績九節度使引退思明年頓兵于合河口慶緒
 元弟至皆殺之併其眾迴至薊城集僚屬誇術克捷
 自為天假智畧人亦以為然乃立宗廟社稷謚祖考
 為皇帝以妻卒氏為皇后次子朝興為皇太子長子
 朝義為懷王諸子皆為王以禮招魂葬祿山置侍中
 尚書令等官立臺省無曾局逆為檢計之所識者爰
 之以范陽為燕京命洛陽為周京長安為秦京置日
 華等門署衙門樓為聽政樓節度廳為紫微殿又令
 其妻為親蚕之禮于薊城東郊以官屬妻為命嬪燕
 錫之地不聞此禮看者填街塞路燕薊間軍士多不
 識京官各見稱黃門侍郎者曰黃門何得此鬚鬚
 皆此類也其年八月又摠兵南來九月又收大梁陷
 我洛陽東洛佛事皆送幽州以舊宅為龍興寺而崇
 飾之思明本不識文字忽然好吟詩每就一章必譯

宣示皆可絕倒嘗欲以櫻莢賜其子朝義及周擊以
 綵箋勅左右書之曰櫻莢一籠子一半赤一半黃一
 半與懷王一半與周擊小吏龍譚進曰請改為一半
 與周擊一半與懷王則聲韻相協思明曰韻是何物
 豈可以吾兒在周擊之下又題石榴詩曰三月四月
 紅花裏五月六月瓶子裏作刀割破六七千箇赤男
 女郎國傳寫置之郵亭子朝興本牧羊胡維忽奄有
 十州之地恣為不法人不聊生萬姓嗷嗷皆望官兵
 之至上元二年辛丑官軍于邛山敗績光弼奔聞喜
 思明使其子朝義為先鋒自為後殿朝義至永寧節
 西使銖騎先鋒至姜子嶺為官軍所敗朝義屢進兵
 皆挫辱思明大怒朝義與諸將並欲按軍令朝義惶
 懼不自安思明居驛令心腹曾將軍擊刁斗防衛甚
 嚴朝義將駱悅蔡文景與朝義曰王于姜子嶺失律
 今日害王王何不自謀悅等與王死無日矣因言廢
 立之事曾將軍亦願為之欲與共謀大事如何朝義
 曰勿驚動厓人善為之計使許叔冀男常以其命
 命曹將軍至驛悅以其謀告之曹將軍知諸將怨恐

袖及已乃不敢拒其夜領朝義部下教百人擐甲詣
 驛思明恃衛怪其有異懼曹將軍遂不敢動思明夢
 覺據床惆悵思明性好奇人寢食必置左右伶人以
 其殘忍皆怨之固問其故思明曰我向夢見小沙上
 群鹿吾逐鹿及水遂見鹿死水言畢如廁伶人相謂
 曰鹿者祿也水者命也祿與命俱盡矣俄頃駱悅以
 真入問思明所在未及對以七首堪殺數百人因指
 如廁思明知事變踰墻至馬廐韞馬將乘之悅等索
 見之使麾下周子射中其臂落馬思明問悅等曰是
 何人作難悅曰懷王命思明曰我朝來語錯合招此
 事今雖廢我女必不成因急呼朝義小名者三莫殺
 我我不惜死恐女有殺父之名因罵曹將軍此胡悞
 我我負女何事而行此遂手悅等叱左右擒思明赴
 柳泉驛乃迎見朝義朝義曰莫驚聖人否悅曰無之
 周摯許叔季軍在印山朝義發許季常往報摯于簾
 下坐見季常悅驕朝義乃領兵迴周摯許叔異與
 季常赴恐摯于已賂悅等歡笑之殺于柳泉驛恐
 衆心未定遂矯朝義之命以帛縊殺思明遺裏其尸

駱駝馳到東都朝義借道自立號顛聖朝義思明之
 孽子也既殺思明復使張通儒殺朝興等以通儒為
 燕京留守尋為高鞠仁所殺又與番將阿史那承慶
 相害承慶不敵而奔洛縣鞠仁令城中殺胡者重賞
 于是羯胡盡殪小兒擲于空中以戈承之高鼻類胡
 而濫死者甚衆以鞠仁為燕京兵馬使五月以偽太
 常卿李懷仙為御史大夫范陽節度使復殺鞠仁薊
 門自春至夏相殺者凡四五加懷仙兵部尚書隴西
 郡王寶應元年葬思明于良鄉東北崗是月王師克
 復洛陽朝義敗走渡河保魏州河北相繼歸順朝義
 又加懷仙侍中至鄭州疑懷仙不敢入城取道
 北走將投奚十二月李懷仙以范陽歸順誘殺朝義
 于城東函其首使騎將徐濟馳獻于闕下朝廷嘉之
 拜懷仙太傅檢校侍中兼兵部尚書封武都郡王仍
 為幽州刺度史薊門遂寧思明以乾元二年己亥三
 月殺安慶緒僭王至史朝義寶應元年十二月為李
 懷仙所殺安史二寇羯相繼亂于范陽安祿山以天
 首尾四年

寶十四載乙未十一月犯順化思明勇朝義至寶應
元年壬寅十二月為李懷仙所殺二胡共據中原凡
八年幽燕始平

安祿山事跡卷下

終

